

ԱՐԵՎԵԼՅԱՆ ԳՈՒԳԱՐՔԸ XI Դ. ԱՌԱՋԻՆ ԿԵՍԻՆ

Ռ. Ի. ՄԱԹԵՎՈՍՅԱՆ

XI դ. առաջին կեսին լոռվա թագավորությունը հասավ իր ռազմական ու քաղաքական հզորության բարձրակետին: Այդ այն ժամանակաշրջանն էր, երբ լոռիում (Արևելյան Գուգարքում) իշխող Կյուրիկյանները ոչ միայն հաջողությամբ պայքարում էին իրենց սպառնացող ուժերի դեմ, այլև կարողացան առաջ ընթանալ դեպի արևելք և որոշ նվաճումներ կատարել հարևան Ուտիք նահանգում: Կյուրիկյանների համեմատաբար կարճատև հզորացման այդ ժամանակամիջոցը հիմնականում համընկավ թագավորության հիմնադիր Գուրգենի հաջորդ և ավագ որդի Դավիթ Անհողինի իշխանության տարիներին՝ հետ (մոտ. 996—1048/49), ընդգրկելով XI դ. ամբողջ առաջին կեսը:

Դավիթ Կյուրիկյանը կամ, ինչպես նրան հաճախ անվանում են՝ Դավիթ Անհողինը, իշխանությունը ստանձնեց X դ. 90-ական թթ. կեսերին: Արձանագրություններում նրա անունը առաջին անգամ հանդիպում է 996 թ.¹ «Անհողին» անվան ծագումը պարզ չէ: Մասնագետները առաջարկել են տարբեր բացատրություններ, սակայն դրանցից ոչ մեկը համոզիչ չէ:

Դավիթ թագավորության սկզբնական շրջանը շատ սուղ է լուսաբանված աղբյուրներում: Միակ տեղեկությունը հաղորդում է Ստեփանոս Տարոնեցին: Նրա խոսքերից իմանում ենք, որ Դավիթը կարողացել է գրավել Դմանիս քաղաքը և իրեն ենթարկել Թբիլիսիի արաբ ամիրային, հաջողությամբ կռվել է նաև Գանձակի ամիրայության դեմ:

X դ. 70-ական թթ. Գանձակում հաստատվեց քրդական ծագում ունեցող Շադդադյան տոհմի իշխանությունը: Այն առանձնապես ուժեղացավ Փատլուն Ա-ի օրոք (985—1031), որը կարողացավ գրավել Պարտավը, Փայտակարանը, Շամքորը և բավական ընդարձակել ամիրայության սահմանները: Փատլունին հաջողվեց գրավել նաև Փառխոսի մի մասը, խաչներ, Սևորդիքը և Դվինը³:

Փատլունը սպառնաց նաև լոռվա թագավորությանը: Առաջին ընդհարումը տեղի է ունեցել X դ. վերջում կամ XI դ. առաջին տարիներին, որովհետև այն

1 Տե՛ս Կ. Ղ ա ֆ ա դ ա ղ ա ն, *Հաղթատ, Երևան, 1963*, էջ 264:

2 Ոմանք կարծում են, թե Դավիթը, որը ըմբոստացել էր Անիի Գաղիկ Ա թագավորի դեմ, պարտվել ու կորցրել էր իր հողերը, ուստի ստացել էր իր մականունը: Տե՛ս Լ. Մ ե լ ի ք ս ե թ - լ ի Կ, *Վարդապետը հայոց հյուսիսային կողմանց (վրացերեն)*, Թբիլիսի, 1928, էջ 28: Հ. Հ ա - Ր Ո Ւ Թ Յ Ո Ւ Ն Յ Ա Ն, *Հայաստանը IX—XI դդ.*, Երևան, 1959, էջ 119: Այդ բացատրությունը անհաջող է, որովհետև ըմբոստությունը, որի մասին կիսովի ստորև, տեղի է ունեցել 1001 թ., մինչդեռ Հաղթատի նշված 996 թ. արձանագրությունում արդեն հիշատակվում է «Անհողին» անունը: Այդ մասին տե՛ս նաև M. Brosset, *Monographie des monnaies Armeniennes*, SPB, 1839, էջ 31:

3 «Ստեփաննոսի Տարոնեցույ Ասողկան Պատմութիւն տիեղերական», ՍՊԲ, 1885, էջ 256: «Հա - ւաքումն պատմութեան Վարդանայ վարդապետի», Վենետիկ, 1862, էջ 100: Մ խ ի Թ ա Ր Ա յ - ր ի վ ա ն ց ի, Պատմութիւն Հայոց, Մոսկվա, 1860, էջ 60:

արձանագրված է միայն Ասողիկի մոտ, որը իր «Պատմությունը» ավարտել է 1003 թ. դեպքերով: Սակայն 'Բուզարբում Փատլունը հաջողություն չունեցավ: Նրա բանակը ծանր պարտություն կրեց, իսկ ինքը մի կերպ կարողացավ փախչել մարտադաշտից: «Եւ ամիրայն Գանձակայ Փատլունն,—գրում է Ստ. Տարունեցին,—փութացաւ պատերազմել ընդ նմա՝ զի մի զօրացեալ նկուն արասցէ զնա: Իսկ Դաւիթ քաջապինդ սրտիւ պատերազմեալ պարտեաց զնա, սրախողխող և գետավէժ արարեալ զզօրս նորա. և ինքն մազապուր փախստեայ զերծանիր»⁴: Վարդան պատմիչի մոտ (էջ 100—101) սխալմամբ նշված է, որ Փատլունը հարձակվել է 'Բուզարբի վրա Կյուրիկե Ա-ի ժամանակ. «...գոռ զնէ ընդ Գագկայ թաղաւորին Զորոյգետոյ, և ընդ Կիրիկէի թագաւորին Աղուանից (իմա՝ Գուզարբի), և ընդ Բագարատայ թաղաւորին Վրաց, և նեղէր զնոսա»: Պատմիչը շփոթել է ժամանակագրական կարգը: Փատլունը իշխել է մինչև 1031 թ.: իսկ Կյուրիկեի օրոք (1050—1089), որը Դավթի հաջորդն էր, Գանձակում իշխել են Փատլուն Բ-ն (1067—1073) և Փատլուն Գ-ն (1073—1075), որոնք 'Բուզարբի վրա չեն հարձակվել: Ղ. Մովսեսյանը լոռվա թագավորության պատմությանը նվիրած իր աշխատության մեջ, շփոթվելով Վարդանի սխալ տեղեկությունից, Փատլունի արշավանքը վերագրում է Կյուրիկե Ա-ի ժամանակաշրջանին⁵:

Դավիթը կարողացավ հաջողությամբ ճնշել նաև ներքին կենտրոնախույս ուժերը: Ըմբոստացում կենտրոնական իշխանության դեմ տեղի է ունեցել X—XI դարերի սահմանագլխին, երբ Գագի իշխան մարզպան Դեմետրը դուրս եկավ Դավթի դեմ: Դեմետրը նույնիսկ իր որդուն նշանակեց Տաշիրի մամփալ: Սակայն 'Դավիթը ճնշեց ըմբոստությունը, խլեց Դեմետրից Գագը և այլ բերդեր և «զրոլոր հայրենիսն. որ թափառեալ շրջեալ շարաշար մահուամբ սատակեցաւ. և բարձաւ տոհմն նորա»⁶: Նրկրի ներքին ու արտաքին դրության ամրապնդումը դրդեց լոռվա թագավորին դուրս գալ Անիի շահնշահների գերիշխանությունից: Հատկանշական է, որ Հաղբատի վերը նշած 996 թ. արձանագրությունում Դավիթը անվանված է «ինքնակալ արքա»՝ «...ի ժամանակս ինքնակալ արքային Դաւթի Անհողինի Գուրգենայ որդւոյ Բագրատունւոյ թագաւորին»: Այս տիտղոսավորումից կարելի է եզրակացնել, ինչպես նշել է Ն. Մառը, որ Գուզարբի Բագրատունիների ներկայացուցիչը ավտոկրատության հավակնություն ունեւր: Մառի կարծիքով տվյալ դեպքում ինքնակալությունը պետք է հասկանալ դրսի ուժերից լրիվ անկախ լինելու իմաստով⁷: Լոռվա Բագրատունիների պատմության մեջ այդ եզակի դեպքը ինքնին շատ նշանակալից է, սակայն փաստական նյութի պակասը անհնարին է դարձնում հարցի գիտական լուսաբանումը: Միակ աղբյուրը դարձյալ Ասողիկն է, որը շատ սեղմ է արտահայտվում. «Իսկ Դաւիթ... ամբարձեալ անհնազանդութեան մասամբ առ հօրեղբայր իւր Գագիկ»⁸:

Ինչպես և պետք է սպասել, Դավթի փորձը հաջողություն չի ունենում: Գագիկ շահնշահը 1001 թ. մեծ բանակով մտնւմ Գուզարբ, շրջապատեց Դավթի

⁴ Ասողիկ, էջ 257.

⁵ Ղ. Մովսեսյան, Լոռի Կյուրիկյան թագավորների պատմությունը, Վիեննա, 1923, էջ 50.

⁶ Ասողիկ, էջ 257.

⁷ Н. Марр, О раскопках и работах в Ани летом 1906 г., СПб. 1907.

⁸ Ասողիկ, էջ 279.

նստավայր Շամշուղեն, քանդեց նրա բերդերն ու ամրությունները: Իսկ Դավիթը, ինչպես վկայում է պատմիչը, իր զորքի փոքրաթվության պատճառով չհամարձակվեց մարտի բռնվել Գաղիկի հետ և ստիպված դիմեց Սարգիս կաթողիկոսի միջնորդությանը և իր հնազանդությունը հայտնեց շահնշահին⁹:

XI դ. 30—40-ական թթ. Գուդարքի թագավորությունը նորից ընդհարվեց Շաղղաղյանների հետ: 1030 թ. Փատլունը հարձակվել էր Վրաստանի վրա և Դավիթը օգնության հասավ Վրաստանի ու Աբխազիայի թագավոր Բագրատ Դ-ին: Ընդհանուր թշնամու դեմ կազմակերպվեց դաշնակցություն, որի մեջ, բացի Բագրատից ու Դավթից, մտնում էին նաև Կախեթի թագավորը և Թիֆլիսի ամիրան¹⁰: Այդ միացյալ ուժը պարտության մատնեց Գանձակի ամիրային:

Ավելի սուր ընդհարում Շաղղաղյանների հետ տեղի ունեցավ 1040 թ., երբ Գուդարքի վրա հարձակվեց Դվինի ամիրա Աբուսուարը: XI դ. 20-ական թթ. Դվինում իշխում էր Շավիր Աբու-Ասվար իբն Ֆադլը, որին Մատթեոս Ուռհայեցին անվանում է Աբուսուար: Մինչև 1049 թ. նա իշխել է Դվինում, հետո տիրացել Գանձակին: Դվինին տիրացել է դեյմիկների 1021 թ. արշավանքից հետո¹¹: Աբուսուարը 1040 թ. 150 հազարանոց բանակով (այդ թիվը անշուշտ չափազանցված է Ուռհայելու կողմից) մտավ Գուդարք և, գրավելով բաղամթիվ բերդեր, մեկ տարվա ընթացքում նվաճեց երկրի մեծ մասը: Ա. Տեր-Ղևոնդյանի կարծիքով Դվինի և Գանձակի Շաղղաղյանները միացյալ ուժերով էին հարձակվում և հարձակումը տեղի է ունեցել Գանձակի կողմից՝ արևմուտքից¹²: Թշնամու գերազանց ուժը ստիպեց Դավթին օգնության համար դիմել հարևան հայկական իշխանություններին՝ Անիի ու Կապանի թագավորություններին և Աբխազիային: Բացի դրանից, կազմակերպվեց աշխարհազոր: Լոռվա թագավորին հաջողվեց հավաքել ընդամենը 20 հազարանոց բանակ: Ուժերի մեծ լարումով Դավիթը կարողացավ ջախջախել Աբուսուարին և մաքրել երկիրը թշնամուց¹³:

1041 թ. մահացավ Անիի Հովհաննես-Սմբատ թագավորը և Բյուզանդիայի Միքայել Դ կայսրը նրա կտակի համաձայն պահանջեց իրեն հանձնել Շիրակի թագավորությունը: Սակայն հակառակ կայսրության ոտնձգություններին, 1042 թ. Անիի գահին նստեց Գագիկ Բ-ն: Դրանից հետո Գագիկը խաբեությանը կանչվեց Կ. Պոլիս և պահվեց այնտեղ:

Անեցիները փորձեցին փրկել երկիրը և պետականությունը: Այս դժվարին պահին քաղաքի մեծամեծները ելք են փնտրում դուրս գալու ստեղծված վի-

⁹ Նույն տեղում, էջ 279—280:

¹⁰ M. Brosset, Histoire de la Georgie, p. I, SPB, 1849, էջ 316: Վրացական աղբյուրները վկայում են, որ հետագայում Բագրատ Դ-ի և Վրաստանի կենտրոնախույս ուժերը զիջավորող իշխան Լիպարիտի երկարատև պայքարում Լիպարիտը գիմել է Դավթին օգնության համար և օժանդակություն ստացել նրանից, Լիպարիտին օգնություն է ցույց տվել նաև Կախեթի թագավոր Գագիկը (թագավորում էր XI դ. 30-ական թթ. սկզբից), որը Դավիթ Անհողինի որդին էր և Կախեթում հայկական հարստության հիմնադիրը: Տե՛ս Լ. Մելիքսեթ-բեկ, Վրաց աղբյուրները Հայաստանի և հայերի մասին, հատ. Ա. Երևան, 1934, էջ 206: M. Brosset Histoire de la Georgie, p. I, էջ 321—322:

¹¹ Ա. Տեր-Ղևոնդյան, Արաբական ամիրայությունները Բագրատունյաց Հայաստանում, Երևան, 1965, էջ 208—209:

¹² Նույն տեղում, էջ 208:

¹³ Պատմություն Մատթեոսի Ուռհայեցույց, Երուսաղեմ, 1869, էջ 93—96:

ճակից: Գահը ժառանգելու համար կային մի քանի թեկնածուներ, որոնք իրենց կողմնակիցներն ունեին Անիի իշխող վերնախավում: Հայնորեն տարածված է այն կարծիքը, թե Դավիթ Անհողինը ևս իր կողմնակիցներն է ունեցել մայրաքաղաքում: Այդպիսի ենթադրության համար հիմք է ծառայել Արիստակես Լաստիվերտցու մի տեղեկությունը. «Իսկ քաղաքացի գլխավորքն որ նստէին յԱնի, իբրև տեսին թէ արգելաւ Գագիկ ի Յոյնս, խորհեցան երբեմն ի Դաւիթ տալ զքաղաքն ի Դունացին, քանզի քոյրն Դաւթի կին էր նորա, երբեմն ի Բագարատ թագաւորն Ափխազաց»¹⁴:

Լաստիվերտցու այս խոսքերը հասկացվել են այնպես, իբր Դավիթը եղել է թեկնածուներից մեկը: Հ. Մանանդյանը գրում է. «...Քաղաքի գլխավորները Անիում, երբ նրանք տեսան, որ Գագիկ Բ-ին հույները արգելեցին Պոլսում, մտածեցին տալ քաղաքը կամ Աբխազիայի Բագրատ Դ թագավորին, ... կամ Լոռու և Աղվանքի թագավոր Բագրատունի Դավիթ Անհողինին և կամ նույնիսկ Դվինի ամիրա Աբուլսուարին, որի կինը Դավիթ Անհողինի քույրն էր»¹⁵: Նույն կարծիքին են նաև Դ. Մովսեսյանը, Լեոն, Ե. Հալալյանը, Ռ. Գրուսսեն և ուրիշներ¹⁶:

Մեր կարծիքով Լաստիվերտցու վկայությունից երևում է միայն, որ Անիի մեծամեծների մի մասը ցանկանում էր քաղաքը հանձնել Դավիթ Դվինեցուն: Պատմիչը ասում է, որ Դավթի քույրը Գագիկի կինն էր, նկատի ունենալով Դավիթ Դվինեցու քրոջը: Մեզ թվում է, որ այստեղ շփոթություն է առաջացել: Հայտնի է, որ Գագիկը Անիի կորստից հետո հաստատվեց Կապադովկիայում, ուր ամուսնացավ Վասպուրականի Սենեքերիմ թագավորի որդի Դավիթ Արծրունու դստեր հետ. «Եւ Գագիկ հրամանաւ թագաւորին առնու իւր կին զղուստր Դաւթի որդւոյ Սենեքերիմայ, և տիրէ նորին բաժնին. քանզի Դաւիթ վաղճանեցաւ շունելով այլ զաւակ ժառանգաւոր»¹⁷:

Միաժամանակ նույն Լաստիվերտցին հաղորդում է, որ Գագիկի քույրը, Հովհաննես-Սմբատի եղբայր Աշոտ թագավորի դուստրը, ամուսնացած էր Դվինի Աբուսուար ամիրայի հետ¹⁸: Ըստ երևույթին Լաստիվերտցին շփոթել է երկու Դավիթներին: Դավիթ Դվինեցու անվան տսւկ պետք է հասկանալ Դվինի Աբուսուարին, որովհետև 1022 թ. մինչև 1049 թ. նա էր իշխում Դվինում, ինչպես վկայում է Մունաջջիմ-բաշին¹⁹, իսկ եթե Դավիթ Դվինեցին պատմական անձնավորություն է, ապա նա ոչ մի կապ չունի Դավիթ Անհողինի հետ, և Մանանդյանը ճիշտ չէ հասկացել Լաստիվերտցու խոսքերը:

Կյուրիկյանները, լինելով Անիի Բագրատունիների առանձին ճյուղի ներկայացուցիչներ, ստեղծված իրադրության մեջ հանդես եկան որպես Անի-Շի-

14 Պատմութիւն Արիստակիսի Լաստիվերտցոյ, Երևան, 1963, էջ 62:

15 Հ. Մանանդյան, Քննական տեսություն հայ ժողովրդի պատմության, հատ. Գ. Երեւան, 1952, էջ 23:

16 Դ. Մովսեսյան, նշվ. աշխ., էջ 46: Լեոն, Հայոց պատմություն, հատ. 2, Երևան, 1967, էջ 702: Ե. Հալալյան, Բորչալուի գավառ, «Աղդադրական հանդես», Թիֆլիս, 1901, № 7—9, էջ 315: R. Grousset. Histoire de l'Arménie, Paris, 1947, էջ 378:

17 Ա. Լաստիվերտցի, էջ 63:

18 Նույն տեղում, էջ 96:

19 Ա. Տեր-Ղևնդյան, Մունաջջիմ-բաշին Դվինի և Գանձակի Շաղդադյանների մասին, «Բանբեր Մատենադարանի», 1962, № 6, էջ 482:

րակի թագավորության դահի օրինական հավակնորդներ²⁰, լոռվա թագավորության վերելքի ժամանակաշրջանում նրանք, ի դեմս Դավիթ Անհողինի, փորձեցին գլխավորել Հայաստանի քաղաքական կյանքը: Հովհաննես-Սմբատի մահից հետո, երբ գահը դեռ թափուր էր, Դավիթը կատարեց Անի մտնելու առաջին փորձը: Մատթեոս Ուռհայեցին պատմում է. «Յայսմ ամի (1041) բազում անցումն եղև տանս Հայոց ի ձեռն Դավիթ Անհողինի՝ ազգապետին Յովհաննիսի Հայոց արքային: Սա յարուցեալ ի վերայ թագաւորութեանն Հայոց և մատնեաց ի սուր և ի գերութիւն զգաւառս բազումս, և գայր անցանէր զօրօք յաշխարհն Հայոց: Թողեալ զաշխարհն Աղուանից, և գայր ի վերայ աշխարհին Հայոց. բազումք նեղութեամբ և անթիւք կրակով այրեցան ի զօրացն նորա. և դարձաւ ի յաշխարհն Աղուանից ի տուն իւր»²¹: Անհաջողություն կրելով Դավիթը ետ վերադարձավ: Երկրորդ փորձը կատարվել է 1042 թ.: Այդ պարզ երեւում է Ուռհայեցու կողմից դեպքերի շարժման հաջորդականությունից: Ըստ պատմիչի, Դավիթ երկրորդ հարձակումը Անիի վրա կատարվել է 1042 թ. Բջնիի մոտ սելջուկների հետ տեղի ունեցած ճակատամարտից հետո և բյուզանդական Միքայել Դ կայսրի մահից (1042 թ. դեկտեմբեր) առաջ²²: Դավիթ երկրորդ փորձը նույնպես անհաջողություն կրեց: Այդ կապակցությամբ կարելի է ենթադրել, որ նրա հավակնությունը Անիի մեծամեծների մոտ անհրաժեշտ օժանդակություն չի գտել, և նրա կողմնակիցները մայրաքաղաքում, եթե նրանք եղել են, սակավաթիվ էին: Ուռհայեցու նկարագրությունից պարզ երևում է, որ Դավիթը Շիրակի թագավորություն մտել է որպես հակառակորդ: Նրա զինվորները «բազումք նեղութեամբ և անթիւք կրակով» են անցել նրա տերիտորիայով, բնակչությանը մատնելով «ի սուր և ի գերություն»: Իսկ երկրորդ փորձի ժամանակ, երբ Գագիկը դեռ գահին էր, Դավիթ քայլը պետք է դիտվեր որպես ապօրինի միջամտություն:

Այսպիսով, լոռվա Բագրատունիների ձգտումը՝ դուրս բերել իրենց թագավորությունը տեղական շրջանակներից և գլխավորել պետական-քաղաքական կյանքը Հայաստանում, Դավիթի ժամանակ հաջողություն չունեցավ: Այդ բանին նրանք հասան ավելի ուշ, Դավիթի հաջորդ Կյուրիկե Ա-ի օրոք (1050—1089), չորրորդին այլ քաղաքական իրադրության պայմաններում²³:

Այլ մանրամասնություններ Դավիթի կյանքից ու գործունեությունից հայտնի չեն: Ստույգ չայտնի չէ նաև նրա մահվան թվականը: Վերջին անգամ Ուռհայեցու մոտ հիշատակվում է Անիի դեպքերի կապակցությամբ (1041—1042), իսկ 1050 թ. արդեն իշխում էր նրա որդին՝ Կյուրիկեն: Ուրեմն մահացած պետք է լիներ XI դ. 40-ական թթ. կեսերին կամ վերջում: Մասնագետները ենթադրաբար մատնանշում են 1046—1048 թթ.²⁴:

20 Գիտնականները ուշադրություն են դարձրել այն հետաքրքիր փաստի վրա, որ Կյուրիկյան հարստության հիմնադիր Գուրգենի գերեզմանաքարն ունի հետևյալ արձանագրությունը. «Այս է հանգիստ Գուրգենա Բագրատունո շահնշահի, որդի Աշոտոյ Ողորմածի» (Կ. Ղ ա ֆ ա դ ա ղ յ ա ն, Սանահնի վանքը և նրա արձանագրությունները, Երևան, 1957, էջ 171): Գուրգենը մեծարվում է «Շահնշահ» տիտղոսով, որը կրում էին Անիի թագավորները:

21 Մ ա տ թ է ո ս Ուռհայեցի, էջ 98—99:

22 Նույն տեղում, էջ 102—103:

23 Տե՛ս այդ մասին մեր հոդվածը՝ լոռվա թագավորությունը Կյուրիկե Ա-ի ժամանակ, Երեւանի համալսարանի «Երիտասարդ գիտաշխատող», 1969, № 9:

24 Մ. Զ ա մ չ յ ա ն, Պատմություն Հայոց ի սկզբանե աշխարհի մինչև ցամ տեառն 1784, հատ. Բ, Վենետիկ, 1755, էջ 937: Ե. Լ ա լ ա յ ա ն, Բորչալուի գավառ, էջ 315: Ղ. Մ ո վ ս ե ս -

Դավիթը թաղված է Սանահնում: Ունեցել է եղբայր, երեք որդի և մեկ դուստր: Որդիներից Կյուրիկեի և Գադիկի մասին արդեն խոսվեց վերը: Երրորդ որդին՝ Ատրնեբսեհը հիշատակվում է միայն վրացական աղբյուրներում: Նա գտնվում էր Շամշուղե բերդաքաղաքում, երբ 1065 թ. Բագրատ Դ վրաց թագավորը գրավեց այն²⁵: Իսկ դստեր՝ Հրանուշի մասին արձանագրություններից հայտնի է, որ կառուցել է Ս. Գրիգոր եկեղեցին ու նշխարատունը և նվիրել Սանահնի վանքին²⁶:

յան, նշվ. աշխ., էջ 46: M. Brosset, Additions et éclaircissements a l'histoire de la Georgie, SPB, 1851, էջ 277 և այլն:

Մատենադարանի № 1737 ձեռագրի «Թագաւորք վերջինք Բագրատունիք» հատվածի հիշատակարանում (տե՛ս Վ. Հակոբյան, Մանր ժամանակագրություններ, հատ. 2, Երևան, 1956, էջ 502) և Ստ. Օրբելյանի «Ժամանակագրությունում» (Երևան, 1942, էջ 14) Դավթի մահվան Բվականը նշված է 1053 թ.: Այդ թվականը սխալ է:

²⁵ Լ. Մելիքսեթ-բեկ, Վրաց աղբյուրները..., հատ. Ա, էջ 207:

²⁶ Կ. Ղաֆադարյան, Սանահնի վանքը..., էջ 187: